

U vezi sa poglavljem III. člana 2. tačka b) i člana 3. Ustava Federacije BiH ("Službene novine Federacije BiH", br. 1/94, 13/97, 16/02, 22/02, 52/02, 18/03, 63/03, 9/04, 20/04, 33/04, 71/05, 72/05 i 88/08), članom 131. stav 1. tačka b), a u vezi sa čl. 137., 138. i 144. Zakona o radu ("Službene novine Federacije BiH", broj 26/16) i članom 71. Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo ("Službene novine Kantona Sarajevo", broj 44/17), Sindikat radnika u zdravstvu u Kantonu Sarajevo, s jedne strane i Premijer Kantona Sarajevo, uz prethodnu saglasnost Vlade Kantona Sarajevo s druge strane zaključuju

## IZMJENE I DOPUNU KOLEKTIVNOG UGOVORA

### O PRAVIMA I OBAVEZAMA POSLODAVACA I RADNIKA U OBLASTI ZDRAVSTVA ZA PODRUČJE KANTONA SARAJEVO

#### Član 1.

U Kolektivnom ugovoru o pravima i obavezama poslodavaca i radnika u oblasti zdravstva za područje Kantona Sarajevo ("Službene novine Kantona Sarajevo, broj 44/17) (u daljem tekstu: Kolektivni ugovor) u članu 33. stav (1) za sve grupe zanimanja koeficijent složenosti se povećava za dodatnih 0,3.

U članu 33. stav (1) u tački 10. Zanimanja VIII/2 grupe na kraju teksta briše se interpunkcijski znak tačka, a dodaje interpunkcijski znak zarez, kao i riječi iza zareza "na odgovornom radnom mjestu i u skladu sa pravilnikom o radu, plaćama i sistematizaciji radnih mjesta javno zdravstvene ustanove".

#### Član 2.

Izmjene i dopune Kolektivnog ugovora se smatraju zaključenim kada ih u istovjetnom tekstu prihvate i potpišu obje ugovorne strane, a nakon prethodno date saglasnosti Vlade Kantona Sarajevo na Izmjenu i dopunu Kolektivnog ugovora.

#### Član 3.

Izmjene i dopuna Kolektivnog ugovora objavljuju se u "Službenim novinama Kantona Sarajevo" i stupaju na snagu narednog dana od dana njihovog objavljivanja, a primjenjivat će se od 01.09.2018. godine.

Broj 439/18  
18. septembra 2018. godine  
Sarajevo

Broj 02-34-326050/18  
18. septembra 2018. godine  
Sarajevo

Sindikat radnika u zdravstvu u  
Kantonu Sarajevo  
Prim. dr. Edo Selimić, s. r.

Premijer  
Kantona Sarajevo  
Adem Zolj, s. r.

### Ministarstvo finansija

Na osnovu člana 17. stav (1) Zakona o izvršavanju Budžeta Kantona Sarajevo za 2018. godinu ("Službene novine Kantona Sarajevo", br. 51/17 i 28/18), po zahtjevu Ministarstva kulture i sporta, Ministar finansija donosi sljedeću

#### ODLUKU

### O PRERASPODJELI SREDSTAVA U BUDŽETU KANTONA SARAJEVO ZA 2018. GODINU ZA BUDŽETSKOG KORISNIKA MINISTARSTVO KULTURE I SPORTA

1. Odobrava se preraspodjela sredstava u Budžetu Kantona Sarajevo za 2018. godinu u iznosu 265.000,00 KM u razdjelu 22010001 Ministarstvo kulture i sporta i to:

Red.	Glav.	Podr.jed.	Fin.kat.	Inv.analitička	Projekcija	OPIS	Iznos
22	01	0001				MINISTARSTVO KULTURE I SPORTA KANTONA SARAJEVO	
						Na ekonomskog koda (budžetska sredstva)	
22	01	0001	814300	MANS01	08ZF	Zaštitna kulturnog naslijeđa	20.000,00
22	01	0001	814300	MANS03	08ZF	Podrška projekatima iz oblasti kulture	50.000,00
22	01	0001	814300	MANS04	08ZF	Klub Estival	15.000,00
22	01	0001	814300	MANS06	08ZF	Podrška udruženjima građanima u Kantonu Sarajevo	20.000,00
22	01	0001	814300	MANS07	08ZF	Sudjelovanje u obilježavanju i organizovanju sportskih manifestacija	160.000,00
						Na ekonomskog kod (budžetska sredstva)	
22	01	0001	814200	MANS01	08ZF	Zaštitna kulturnog naslijeđa i obilježavanje	32.000,00
22	01	0001	814200	MANS03	08ZF	Podrška projekatima iz oblasti kulture	75.000,00
22	01	0001	814300	MANS07	08ZF	Talentski razvoj sportista	160.000,00

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-28449/18

31. augusta 2018. godine  
Sarajevo

Ministar  
Prof. dr. Jasmin Halebić, s. r.

### Ministarstvo za rad, socijalnu politiku, raseljena lica i izbjeglice

Na osnovu člana 94. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16 i 40/18) i člana 168. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17 i 28/18), a u vezi sa poglavljem II tačka 4. Programa obilježavanja "Dječije nedjelje" u Federaciji Bosne i Hercegovine za 2018. godinu ("Službene novine Federacije BiH", broj 49/18), ministrica za rad, socijalnu politiku, raseljena lica i izbjeglice Kantona Sarajevo, donosi

#### PROGRAM

### OBILJEŽAVANJA "DJEČIJE NEDJELJE" U KANTONU SARAJEVO ZA 2018. GODINU

#### I - UVODNE NAPOMENE

U okviru obilježavanja "Dječije nedjelje" u Kantonu Sarajevo planirano je organizovanje raznovrsnih aktivnosti od strane ustanova socijalne zaštite, predškolskih i školskih ustanova, kulturnih institucija i nevladinih organizacija u koordinaciji sa Ministarstvom za rad, socijalnu politiku, raseljena lica i izbjeglice Kantona Sarajevo, s ciljem podsticanja i organiziranja kulturno-obrazovnih, rekreativnih i drugih mjera i akcija za unapređenje razvoja brige o djeci i pravima djeteta, kao i pokretanja novih inicijativa i programa za zadovoljavanje potreba djece.

#### II - OBILJEŽAVANJE "DJEČIJE NEDJELJE"

U Kantonu Sarajevo će se u 2018. godini u periodu od 01. do 07. oktobra "Dječija nedjelja" obilježiti kroz sljedeće aktivnosti:

1. Otvaranje "Dječije nedjelje"

Datum održavanja:	01. oktobar 2018. godine
Mjesto održavanja:	KJU Dom za djecu bez roditeljskog staranja
Nosilac aktivnosti:	Ministarstvo za rad, socijalnu politiku, raseljena lica i izbjeglice Kantona Sarajevo, KJU Dom za djecu bez roditeljskog staranja

2. Izložba radova korisnika KJU "Odgojni centar Kantona Sarajevo"

Datum održavanja:	01. oktobar 2018. godine
Mjesto održavanja:	KJU "Odgojni centar Kantona Sarajevo"
Nosilac aktivnosti:	KJU "Odgojni centar Kantona Sarajevo"